



Na osnovu člana 60. Zakona o organizaciji organa uprave u Federaciji Bosne i Hercegovine („Službene novine Federacije BiH“ broj: 35/05), zatim člana 28. a u vezi sa članom 17. stav (2) tačka f. Zakona o oduzimanju nezakonito stečene imovine krivičnim djelom ("Službene novine Federacije BiH", broj 71/14), Federalna agencija za upravljanje oduzetom imovinom objavljuje

## JAVNI POZIV

**kandidatima za utvrđivanje Liste eksperata sa koje se imenuju predsjednik i članovi nadzornih odbora i uprava privrednih društava kojima upravlja Federalna agencija za upravljanje oduzetom imovinom**

### I PREDMET JAVNOG POZIVA

Federalna agencija za upravljanje oduzetom imovinom (u daljem tekstu: Agencija) objavljuje Javni poziv kandidatima za utvrđivanje Liste eksperata sa koje se imenuju predsjednik i članovi nadzornih odbora i uprava privrednih društava kojima upravlja Agencija, a koji udjeli su sudskom odlukom u krivičnom postupku koji se vodi povodom oduzimanja nezakonito stečene imovine od osumnjičenih, optuženih, osuđenih ili s njima povezanim licima, povjereni Agenciji na privremeno ili trajno upravljanje.

### II OPĆI USLOVI

Kandidati prijavljeni na javni poziv moraju ispunjavati opće uslove i to:

- da su državljani BiH,
- da su stariji od 18 godina,
- da nisu otpušteni iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja javnog poziva,
- da nisu obuhvaćeni odredbama člana IX.1. Ustava BiH.

### III POSEBNI USLOVI

Pored općih uslova, kandidati koji se prijavljuju na javni poziv moraju ispunjavati i posebne uslove i to:

**III.1.** Kandidati koji se prijavljuju za nadzorni odbor (predsjednik ili članovi):

- da imaju univerzitetsku diplomu najmanje VII stepen stručne spreme odnosno visoko obrazovanje prvog, drugog ili trećeg ciklusa Bolonjskog sistema studiranja,
- najmanje tri godine radnog iskustva na rukovodećim pozicijama (najmanje šef unutrašnje organizacione jedinice) u javnoj upravi, javnim preduzećima, ustanovama, privatnim privrednim društvima i sl.



- c) da nije član upravnih i drugih odbora političkih stranaka,
- d) da nije osuđivan za krivično djelo i za privredni prekršaj nespojiv sa dužnošću u nadzornom odboru, pet godina od dana pravosnažne presude, isključujući vrijeme zatvorske kazne,
- e) da nije lice kojem je presudom suda zabranjeno obavljanje aktivnosti u nadležnosti nadzornog odbora,

### III.2. Kandidati koji se prijavljuju za upravu:

- a) da imaju najmanje srednju stručnu spremu (SSS),
- b) najmanje tri godine radnog iskustva na rukovodećim pozicijama (najmanje šef unutrašnje organizacione jedinice) u javnoj upravi, javnim preduzećima, ustanovama, privatnim privrednim društvima i sl.
- c) da nije član upravnih i drugih odbora političkih stranaka.

## IV SPISAK POTREBNIH DOKUMENATA

Kandidati su dužni **uz potpisanu prijavu s biografijom u kojoj su dužni navesti da li se kandiduju za nadzorni odbor ili upravu društva ili oboje**, dostaviti sljedeće dokumente:

- a) izvod iz matične knjige rođenih,
- b) uvjerenje o državljanstvu,
- c) diplomu ili uvjerenje o završenom VII stepenu stručne spreme visokog obrazovanja odnosno najmanje prvog (180 ECTS bodova), drugog ili trećeg ciklusa Bolonjskog sistema studiranja. U slučaju da fakultet nije završen u BiH, strana diploma mora biti nostrificirana (dokaz o nostrifikaciji), - samo za kandidate koji se prijavljuju za nadzorni odbor,
- d) diplomu o završenom srednjem obrazovanju - samo za kandidate koji se prijavljuju za upravu, (kandidati koji se prijavljuju i za nadzorni odbor i za upravu nisu dužni dostavljati diplomu o završenom srednjem obrazovanju),
- e) dokaz da kandidat ima najmanje tri godine radnog iskustva na rukovodećim pozicijama (najmanje šef unutrašnje organizacione jedinice) u javnoj upravi, javnim preduzećima, ustanovama, privatnim privrednim društvima i sl. (uvjerenje, potvrda ili drugi dokaz iz kojeg se nedvojbeno može utvrditi ispunjavanje ovog uslova),
- f) izjavu da kandidat nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja javnog poziva,
- g) izjavu da kandidat nije obuhvaćen odredbama člana IX.1. Ustava BiH,
- h) izjavu da nije član upravnih i drugih odbora političkih stranaka,
- i) izjavu da nije osuđivan za krivično djelo i za privredni prekršaj nespojiv sa dužnošću u nadzornom odboru, pet godina od dana pravosnažne presude, isključujući vrijeme zatvorske kazne, odnosno da nije lice kojem je presudom suda zabranjeno obavljanje aktivnosti u nadležnosti nadzornog odbora - samo za kandidate koji se prijavljuju za nadzorni odbor,
- j) certifikat o završenom usavršavanju koje organizuje Privredna-Gospodarska komora Federacije Bosne i Hercegovine u skladu sa odredbama Uredbe o usavršavanju predsjednika i članova nadzornog odbora i uprava privrednih društava sa učešćem državnog kapitala („Službene novine Federacije BiH“, br. 71/09, 33/10, 23/11, 83/11, 2/13, 80/13, 48/15, 60/16, 88/17 i 19/22) – ukoliko kandidat isti posjeduje.

**Dokumenti koji se prilažu uz prijavu moraju biti u originalu ili ovjerenj kopiji. Potpisane izjave moraju biti ovjerene od strane nadležnog organa. Dokumentacija se ne vraća.**



## V ROK ZA PODNOŠENJE PRIJAVA, MJESTO I NAČIN DOSTAVLJANJA

Potpisane prijave sa traženom dokumentacijom dostavljaju se u zatvorenoj koverti najkasnije do 22. decembra 2023. godine, preporučeno putem pošte ili direktno na adresu:

FEDERALNA AGENCIJA ZA UPRAVLJANJE ODUZETOM IMOVINOM

Ul. Put života br. 2

71000 Sarajevo

sa naznakom:

“Prijava na Javni poziv za utvrđivanje Liste eksperata sa koje se imenuju predsjednik i članovi nadzornih odbora i uprava privrednih društava kojima upravlja Federalna agencija za upravljanje oduzetom imovinom”.

NE OTVARAJ

Neblagovremene prijave neće se uzeti u razmatranje.

## VI OSTALE NAPOMENE

Zaprimljene prijave razmotrit će posebno formirana Komisija za provođenje Javnog poziva za utvrđivanje Liste eksperata sa koje se imenuju predsjednik i članovi nadzornih odbora i uprava privrednih društava kojima upravlja Federalna agencija za upravljanje oduzetom imovinom (u daljem tekstu: Komisija), koju će posebnim rješenjem imenovati direktor Agencije. U slučaju da je prijava nepotpuna, Komisija može zatražiti od kandidata da u određenom roku istu dopuni. Komisija ima pravo da nakon pregleda i razmatranja pristiglih prijava, a prije utvrđivanja prijedloga Liste eksperata, sa pojedinim kandidatima obavi intervju u prostorijama Agencije ili putem on-line platforme, a u svrhu procjene kvalifikacija i iskustava kandidata. Za ovaj postupak Komisija će posebnim aktom propisati kriterije. Komisija će nakon što provede potrebne procedure, utvrditi prijedlog Liste eksperata i istu dostaviti direktoru Agencije na donošenje konačne odluke o utvrđivanju Liste eksperata, o čemu će kandidati pisanim putem biti obaviješteni.

Sve dodatne informacije zainteresovani kandidati mogu dobiti na broj telefona: 032/407-350 ili e-mail: [info@fazuoi.gov.ba](mailto:info@fazuoi.gov.ba)

Sarajevo, 07.12.2023. godine